

Հիմնական միջոցների (այդ թվում վարձակալված ) վրա կատարված ծախսերն ըստ ընթացիկ և կապիտալ բնույթի տարբերակելու հայտանիշերը և չափերը <sup>\*1)</sup> սահմանելու մասին

«Շահութահարկի մասին» Լեռնային Ղարաբաղի Հանրապետության օրենքի 13 հոդվածի 4-րդ կետին համապատասխան Լեռնային Ղարաբաղի Հանրապետության կառավարությունը որոշում է.

Սահմանել, որ շահութահարկը որոշելիս.

ա) հիմնական միջոցների վրա կատարված ծախսերը համարվում են կապիտալ ծախսեր, եթե դրանց արդյունքում վերակառուցման, վերազինման, արդիականացման, հիմնանորոգման կամ ընդլայնման միջոցով վերափոխվում է հիմնական միջոցների վիճակը և (կամ) տվյալ հիմնական միջոցի վրա հաշվետու տարվա ընթացքում կատարված ծախսերի մեծությունը գերազանցում է այդ հիմնական միջոցի սկզբնական արժեքի (օրենքով սահմանված կարգով իրականացված վերազնահատման դեպքում վերազնահատված արժեքի) 10 տոկոսը՝ այդ չափը գերազանցող մասով <sup>\*2)</sup>.

Հիմնական միջոցների վրա կատարված ծախսերը ըստ հայտանիշների տարբերակման անհնարինության դեպքում տարբերակումն կատարվում է ըստ չափերի:<sup>\*1)</sup>

բ) հիմնական միջոցների վրա կատարված ծախսերը համարվում են ընթացիկ ծախսեր, եթե դրանք սույն որոշման «ա» կետի համաձայն չեն համարվում կապիտալ ծախսեր:<sup>\*1)</sup>

ԼԵՌՆԱՅԻՆ ՂԱՐԱԲԱՂԻ  
ՀԱՆՐԱՊԵՏՈՒԹՅԱՆ ՎԱՐՉԱՊԵՏ

Ա. ՂԱՆԻԵԼՅԱՆ

\*1) ԼՂՀ կառավարության 28.02.05թ «Լեռնային Ղարաբաղի Հանրապետության կառավարության 2000 թվականի օգոստոսի 15-ի թիվ 165 որոշման մեջ լրացում և փոփոխություններ կատարելու մասին» թիվ 84 որոշման խմբագրությամբ:

\*2) ԼՂՀ կառավարության 23.12.08թ «Լեռնային Ղարաբաղի Հանրապետության կառավարության 2000 թվականի օգոստոսի 15-ի թիվ 165 որոշման մեջ լրացում կատարելու մասին» թիվ 914 որոշման խմբագրությամբ: